

Gaari aawa



duu sh de e
duushdee

shi no man tsi sh mo
shinomantsishmo

ne mot se
nemotse

a e i
o u

Negash meetso ____.

mááre/usher

Aawar ____ jookre.

eeyisho/shutso

Daatsets misho ____.

duutsra/k'ac'ere

Abat ____ jaadre.

t'eesha/gina



1. Fekadu eeyisho shukre.




2.



3.



Gaari aawa



Haniye dashi tururan nababar Gaari aawon eeg eeg k'alefok'o keewuwer.

Gaari woro bori nemotse shengsh mangyef woriwoti aawa. Manuwe eegoshe Gaari wormanu mish aaw b wottsotsna. Miish aaw b wottsonu goshets maay andro bore detstsonu dashawonu k'achde'e duushde'e b giyonton uyifets maáfets genewef aawa. Wotowabakonmo woronu S'ik'ri 17 jawetse baaro duubo amosh k'ants misha meeyir dawutsa usheyir. Gaari aawosh ash jamo b'angifaltsok'on tahi andr shipituwonu shipide'er falwonu bdetstso sik'idi s'apon wotere samunon mayide'eni duubo git keez aawa erni k'anidek'efo. Nimbalu Angatmo duubi aawots duub b damet tahamashoko foko manda bi'amiri.



Gaari aawosh baaronat jawetson eebi k'anbdek'fo?
Nimbalu kone Gaari aawots shem masho fok amtsu?
Haniye okon eeg bwotituwok'owe itsh bi'are?



Keeweyi wora!






Eebi it shunf mit shuwi naaro?

Awure it meeyitse dawutso duutsefo?

Eegoshe ashwots mitotsi bok'ut'fo?



maa	ba	sha	ra
min	baa	pa	za
ka	k'oo	na	ka
bee	bam	c'e	t'a

1. _____

3. _____

2. _____

4. _____



Gaari wor keewiru keez s'een matsi keewotsi guud'er.

1. Awuntsets Gaarosh taho kewera. _____

2. _____

3. _____



Gaari aawa

Woshi aawots nonababts tururo eeg jange? Tururmanu s'urafa'e. Maniye okon eeg bwotituwok'o keewosh nababor.

Angat foko amat taho mashdek'at wabke aawosh muro butsbuts. Muk'iteshat aawu bke b mashts taho itsbk'rtsok'on bominzu waakeshat mashets taha man zafdek'at geetsdek' bi'am. Ere, "Ha, ha!" etat bi giishefe minzu b tufon eet'dek'at gat'bk'r.

?

Eegoshe Angat minzu b giish?

Mann Angat gaad'utsts tahaman detsdek'at bi'epfere, bomaa giyu Daatsets wakeshat, "Angate duubo amone" bi'ere, Angat dowe gondono keewatsa.

?

Angatsh duubo amone ettsu kone?

Ere Daatsets dek'at, "Eege ni'eepiri" bi'et. Angat biyats bodts keewu jamo Daatsetssh bkeewe, Daatsets dek'at, "Tiko ambetsish wotit mashets tahoniye fa'e shinomantsishmo duubo git keez aawa erniye taho mashefoni" etat bi'izi.

?

Daatsets Angati eeg etatneye bi'iz?

a e i
o u

Aap'i kayan dashi t'iints aap'otse geyor.

1. di	2. tsa	3. c'a
faara	dimba	teba
sheena	ashitsa	asha
dara	kamba	c'aama



It galotse daatseyiru gizi naarots eeg eegno?

Ewukneya mas'o daatsefo?

Awure dani mook it amfo?



1.




___ (a) minza

2.



___ (b) bamba

3.



___ 1 (c) maat'a

4.



___ (d) baaka



1. A

2. D

3. K



Faazga



wo to wa ba ko n mo
wotowabakonmo

oo re ra ka
ooreraka

́ bkaa shi ru wo ke
́bkaashiruwoke

a e i
o u

- | | |
|----------------------------|-----------------|
| 1. Albor shemandro ____. | jot're / tahere |
| 2. Balets ____ gufira. | buna / misha |
| 3. Awuntsets bok'olo ____. | kap'era / kiira |
| 4. Baanesh enjd'o ____. | tiyere / dupke |



1. Waango baako mááre.



2.



3.



Faazga



Hanye dashi tururan nababar Faazg wonon eeg káletsok'ó keewuwer.

Bakannat Argatn Banoshi etef galotse giyok beyiru nana'ano. Nana'amanotsu Faazg aawotsa yide'eni begenewefo. Daanimooko toharni boshá'efo. Ere ik aawo Faazg bodbutseré bi'aawumano dano bí 'altsotse bo'indnihotsnton maaron ushron tohat bojin. Wotowabakonmo Faazgo bbeshtsok'on boon daniyiruwo danimook bo'orerawok'ó keewure btesh. Ernmo Faazgo keshtsok'on Bakan danimook amo bín b'geyifere amane oorbutseré Argat s'uunz bsha'efo btesh. B wotefernmó Bakan danimook boriruwok'ó bí'indnihots danakno btesh. Ere Argat Faazg keshts a keezl aawots Bakan indinihots gal amt, " Eege Bakan dani mook amo bk'azi" ett bí'aat.



Bakannat Argatn aake bobeto?

Faazg aawots Bakannat Argatn eebi k'alron bojin?

Haniye okon eeg bwotituwok'owe itsh bi'are?



Keeweyi wora!





Mereero aatso ushre.

Mereerots aatso ushrno.

Waango baako giishere.

Waangots baakotsi giisherno.



ee	wee	sha	ga
gu	c'e	p'e	maa
waan	d'e	k'a	nu
tsa	sha	yi	ya

1. _____

3. _____

2. _____

4. _____



Faazg wor keewiru keez s'een matsi keewotsi guud'er.

1. Fekadu Faazgosh b́ nihots gal amre. _____

2. _____

3. _____



Faazga

Woshi aawots nonababts tururo eeg jange? Tururmanu s'urafa'e. Maniye okon eeg bwotituwok'o keewosh nababor.

Ere Bakan indnihots dek't, "Ake! Faazgo keshe hako amdanake?" ett Argati bo'aat. Mann Argat dek't "Ee!" bi'et. Ere Bakan indnihots nimbok'unt danimook oorat aak bjiniruwok'o galitsi nana'otsi bo'aat. Ere galitsi nana'ots dek't, "Bakan kuute kaashron bijiniri " bo'et.



Eegoshe Bakan indnihots nimbobok'un?

Ere yaatsok'on Bakan bí guuri misho máát b́dabtaro dek't, "Danoka ti'amiri" ett meytse b́ kesh. Ereindu Bakan keewiruwo jalo k'azat b́ shuutso shoyidek' b amfe b shattsok'on Bakan kuuto b́ kaashfe daatsbdek'.



Eegoshe Bakan danoka tiamiri ett b keshor indu Bakani jalo k'azat shoyidek'at bi'am?

Ere indu b́ kaashiruwoke mook s'eegdek'at, "Tnaayo ne haniyeshin danimaa tiámiri etat hank'owe kaashoke nijiniri" etat b fay. Etatnmo shinomandish han naari fiino gitlo b́ finerawok'o izat b ete hako dani mook ooreraka.



Bakan ind Bakani eeg etatneya b iz?




Aap'i kayan dashi t'iints aap'otse geyor.

1. p'e	2. ba	3. s'u
dupa	p'ela	kewa
datsa	keera	bamba
s'us'a	s'aara	mita



Daatsi minzo kewere.
Kaawets kundo detsfa.
Shanir Keetso kemra.



1.




___ (a) eeyisha

2.



___ (b) maatsa

3.



___ 1 (c) waanga

4.



___ (d) nugusha




1. Sh

2. G

3. M



Weed'eya



bon g ra t
bongrat

jaa wu r ra wu k' te
jaawurrawuk'te

ti p k' ra t
tipk'rat

a e i
o u

- | | |
|--------------------------|-------------------|
| 1. Gemets ____ gip'era. | t'imbo / bambo |
| 2. Alets gindo ____. | kiira / k'ut'ra |
| 3. Kano mak'tso ____. | k'aashre / kemre |
| 4. Kaawets dawutso ____. | k'ac'era / tigera |



1. Shaak'ets misho k'ac'era.




2.



3.



Weed'eya



Haniye dashi tururan it nababi okone, nana'ots eeg finatse boweed'efok'o keewuwer.

Daanguri etef galotse Bayani etf ash iko fa'e b'tesh. Ash man c'ic' genz took buk asha. Eeyishi ik kuronat keez naana'otsi detsfe. Bogal manitse waango ayidek' gonda. Man bwottsotse bnaana'a manostu eeyishotsi iko hambets b'jinal iko yaats b'jinfo b'tesh. Faazgi aawots meets móóke dawuts ushoke, kaashoke... bobefe eeyish biitso bodbutts. Naana'ots kaash mansh but'eyat eeyishotsi jin amo weed'eyat biitsdek' bodots jookbok'r. Ere eeyishots waaraniye bo'il. “Egek'una eeyishanots hank'o bo'ili” ett Keez naana'amanots eeyish geman bodots bad'at bo'am. Bo'amfeere eeyish iku waango máák'rere. Man bek'k'rat oor beyiruwotsi galomand jookk'rat aak'o k'alr mook bo'ametuwok'o shatt shiyan bowots.



Bayani etef asho ewuke b' befo?

Nana'ots ewuk amoshe bo weed'e?

Haniye okon eeg bwotituwok'owe itsh bi'are?



Keeweyi wora!






Adel s'aada.

Dambets faro nas'a.

Gawiyets tooko genza.



ra	pa	mee	yne
p'a	joo	tse	c'i
wu	ka	s'i	ra
re	na	ra	shi

1. _____

3. _____

2. _____

4. _____



Weed'eyi jang keewiru keez s'een matsi keewotsi guud'r.

1. Shanetsnat Aldon giz jin amatse weed'erno.

2. _____

3. _____



Weed'eya

Woshi aawots nonababts tururo eeg jange? Tururmanu s'urafa'e.
Maniye okon eeg bwotituwok'o keewosh nababor.

Bodots nok'eyal granzo noon méétuwe ett galok t'awash wat t'iiwots kindt aashbowuts. Niho eeyishotsi b's'iile iku bi'aalere beyiruwotsi tipk'rat, naana'otsi b'fayir b'tesh. Ilmo naana'otsi bkore waaraniye boja'a datsonu il buts.



Nana'ots eegotse bo'aash?

Ere bnaana'ots shuutso s'eegt, "Oona! K'ayi wore, taa iti fayeratse jod'atse." ett b'bongr bongrat meyits k'az bkinde t'jiwotse kesht shatfe waabokesh.



Eegoshe nana'ots t'iwotse kesht bowa?

Maniye hak kakudek' "Tnaana'ots k'eberte, and itsh tkeewituwoni eeyish iku t'afrane, baltsok'o niyir niyiron weed'eyo k'azat itjini wotere eyishunu t'afawuk'ani itu it toho tohonton kaasho, duubo k'ayir bodots jaawurrawuk'te" b'ere bnaayi k'aabo dek't, "Ee tniho arike ni'et" ett b'izo bok'ebi.



Bayan b nana'otsi eega etneya b iz?



Aap'i kayan dashi t'iints aap'otse geyor.

1. sha	2. ka	3. ja
t'eesha	waaka	k'ooraa
mas'a	aka	dara
oosha	janga	kisha



s'aada, faara, genza, minza, baaka,
daaza, nas'a, k'awuna




1.




___ (a) jooora

2.



___ (b) shika

3.



___ 1 (c) mereera

4.



___ (d) nawura




1. B

2. E

3. F



Enjd'tiya



ga lo mand
galomand

gaa re ma no tsu
gaaremanotsu

sii sa ts
siisats



Haniye dashi tururan nababar Enjd'o awur tiyef woro keewuwer.


Jalgi 29 aawon ash jamo b'maameyitse made'e uyde'e enjd'i bod'o de'e siisats am kaashefo. Kaash manu na'a gana eraka, kaashefonu gaareyona. Eemanjitse git gaareyots kaasho bo'am. Gaaremanotsu Emanjnat Eembayi etfo. Ik aawo git gaaremanots bokaash bokaashfere ash een eeno wabedk' bos'iiliri. Ere datsonu ilef b'waare ashonu gal amo kaarfe Eemba naana'ots gito wuc'i bok'r. Ere Emanj naana'ots kaashenokaasheti noo'ats wuc'i amatste bo'et. Eembatsots datso ilere kaayatsone bo'ere bofayefere, eenash iko shisht tnaana'otso hambetsi aawon fayerake ett maniyt b'deere galomand bo'am.



Enjd' tiiyoke kaashts gaarewots konnat konneya?
Eegoshe git gaarewots Enjd' tiiyoke bokaare?
Haniye okon eeg bwotituwok'owe itsh bi'are?



Baman as'a **á**shookir.
 Adel aatsa **á**waakir.
 Kolets maa **b**fokir.



en	aa	d'u	d'a
goo	j	fu	d'
ya	tsi	c'a	k'a
wa	bo	s'e	ka

1. _____

3. _____

2. _____

4. _____



Enjd'tiyi jang keewiru keez s'een matsi keewotsi guud'er.

1. Aldo Enjd'tiyosh bod'o k'ut're. _____

2. _____

3. _____



Enjd'tiya

Meyi aawots nonababts tururo eeg jange? Tururmanu s'urafa'e.
Maniye okon eeg bwotituwok'o keewosh nababor.

Wotowa bakonmo naana'ots gal bo'amor duubferna bo'am. Bo'ame okono galots guurat maa taawon doubt Ambaro kakubodek'. Ambaro kaku mec'r b woterftse beshts woriwoton ay keewosh woshtots bo woshtwosho b s'eentsotse bowoshts keewotsi bo'ime deert bodek'.



Nana'ots galomand bo'amor eeg k'alfe bo'am?

Nana'otsu woshets keewotsi dek't maa ush mec'r b woterawo ani weet woriwotosh wosh getsots bowoshor, "Itsh s'eentsuwa, gaw ewarsh bor imere" ett deert koc'i jametso b gonket mook k'azbo'am.



Ashashwots weet woriwotosh bowoshere naana'ots eege bo'et?

Mann bo'amts maa manoke usht maát nemi duubotsno t'uwi taali tiitso borfetso doubt boyitsi ash eeno b deerre bogalgalok manon k'azbo'am.



Ambts sayito bodfetsonne naana'ots Enjd' tiyi aawots boduub?




Aap'i kayan dashi t'iints aap'otse geyor.

1. na	2. gi	3. ko
dora	naana'a	daaza
k'ena	gina	joosha
aawa	kora	datsa



K'aawi woron eebi fiinefo?
 Aatson eebi k'alefo?
 Enjd' biitsi aawots eebi k'alefo?



1.




___ (a) fuya

2.



___ (b) enjd'aawa

3.



 1 (c) bod'a

4.



___ (d) gook'a



1. W

2. S'

3. P



Waanga

Haniye dashi nbabiyān nababar Aber eegosh b́ tek'tsok'o keewuwer.

Waango bodots beek diins'otsa. Ik aawo Aber enjd'aawo b́ karntsotse bod'a t' kut'iti ett bodots bi'am. Ere bodotse waango mereero b́ mááfe gonkat maaho bísh bi'arere tek'at k'uwo gedb́k'r. Mann bod'o b́k'ut'rawo gal k'azb́wa.



Aber ek'ale bodots bi'am?

Aber eegoshe b́tek'?

Tururan beshiwosh b́geets keewo eebi?



min	baa	nu	mee
maa	za	gu	bam
ka	ra	sha	tsa
ba	ka	re	shi

1. _____

2. _____

3. _____

4. _____



Dani moo is'ewor eebi it fiinefo?

Shinomantssh eeg wote it shun?

Maa gizotsitse it shunfotsi keewuwer.

